

晨風閣叢書

十五

晨風閣叢書

十一

古洋遺

響集

張白集

古洋通

古洋遺響集

郡齋水閣閒書

文同與可

湖上

湖上雙禽泛泛橋邊細柳垂垂日午庭中無事使君來
此吟詩

獨坐

不報門前賓客已收案上文書獨坐水邊林下宛如故
里閒居

湖橋

湖橋北頰花塢水閣西頭竹村霏霏薄霧紅暎漠漠輕
煙翠昏

推琴

點點新萍帖水濛濛柳絮縈風盡日推琴默坐有人池
上亭中

靜觀

十許文魚戲水一雙花鴨眠沙靜觀只恐驚去無語凭
闌日斜

亭館

亭館脩脩度日園林寂寂經春且遮新筍留客莫掃殘
花悶人

流水

四首秦僧絕論一篇楚客離騷讀罷却彈流水先生此

興尤高

報國

報國無忘竭節居官勿用論功莫問誣誣趁樂不須咄咄書空

聞道

聞道幸非曲士讀書甘作陳人爲文自怪逆俗好畫誰知入神

相如

相如何必稱病靖節奚須去官就下其誰不許如愚是處皆安

彭澤

彭澤先生未去武陵太守常貧上官幸且容已下鬼休
來笑人

凭几

列傳日逢佳士郡書常得微言自對古人凭几不須俗
客登門

衰後

衰後常服藥餌憂來頗憶林泉身坐謝莊小閣心游沈
約東田

鷺鷥

避雨竹間點點迎風柳下翩翩靜依寒蓼如畫獨立晴
沙可憐

再贈

頸若瓊鈎淺曲骸如碧管深翹湖上水禽無數其誰似
爾清標

蓮子

綠實填房未滿黃茸遶殼方開爲問因誰勸酒一時齊
側□盃

採蓮

岸幘客來橋上濺裙人在湖中桂楫蘭橈甚處蓮花荷
葉無窮

翡翠

見諸長喙須避得少纖鱗便飛爲報休來近岸有人愛

汝毛衣

落槿

含露方矜香裊搖風旋見離披湖上先生笑汝朝開暮落何爲

青鶴

常惡靜時鳬鷺不驚飽處鰕魚與吾閒心相似問汝樂復何如

東軒

平湖靜處朱閣垂柳深中畫橋隱几香煙露濕投竿衣帶風飄

北岸

曲榭紅渠影上圍
庵綠篠陰中門外何人會
畫致來寫作屏風

偶書

犢去食苗莫問烏來攫肉休
知物須以信相感事忌於心有爲

自詠

看畫亭中默坐吟
詩岸上微行自謂偷閒太守人
呼竊祿先生

閒書

逐去堪羞子溥歸來可重淵
明試問七松處士何如五柳先生

贈竹

我昔初來見爾時
禿梢攣葉見離披
遮根護筍今成立
好在清風十萬枝

竹答

我實仙陂百世孫
二年生長感君恩
近聞官滿將歸去
且望臨時莫洗園

寄題與可學士洋州園池二十首

從表弟蘇軾上

湖橋

朱闌畫柱照湖明
白葛烏紗曳履行
橋下龜魚晚無數
識君拄杖過橋聲

橫湖

貪看翠蓋擁紅粧不覺湖邊一夜霜
卷却天機雲錦段從教正練寫秋光

書軒

雨昏石硯寒雲色風動牙籤亂葉聲
庭下已生書帶草使君疑是鄭康成

冰池

不嫌冰雪繞池看誰似詩人巧耐寒
記取羲之洗硯處碧琉璃下黑蛟蟠

竹塢

晚節先生道轉孤歲寒惟有竹相娛
麤才杜牧眞堪笑

古遺
喚作軍中十萬夫

荻浦

雨折霜乾不耐秋
白花黃葉使人愁
月明小艇湖邊宿
便是江南鸚鵡洲

蓼嶼

秋歸南浦蟪蛄鳴
霜落橫湖沙水清
卧雨幽花無限思
抱叢寒蝶不勝情

望雲樓

陰晴朝暮幾回新
已向虛空寄此身
出本無心歸亦好
白雲還似望雲人

天漢臺

漾水東流舊見經
銀河左界上通靈
此臺試向天文覓
閣道中間第幾星

待月臺

月與天人本有期
挂簷低戶映蛾眉
只從昨夜十分滿
漸覺冰輪出海遲

二樂榭

此閒真趣豈容談
二樂并君已是三
仁智更煩訶妄見
坐令魯叟作瞿曇

灤泉亭

聞道池亭勝兩川
應須爛醉答雲煙
勸君多揀長腰米
消破亭中萬斛泉

吏隱亭

縱橫憂患滿人間頗怪先生日日閒
昨夜清風眠北牖朝來爽氣在西山

霜筠亭

解籜新篁不自持嬋娟已有歲寒姿
要看凜凜霜前意須待秋深粉落時

無言亭

慇懃致問維摩詰不二如何是法門
彈指未終千偈了向人還道本無言

露香亭

亭下佳人錦繡衣滿身纓絡綴明璣
晚香消歇無尋處

花已飄零露已晞

涵虛亭

水軒花榭兩爭妍
秋月春風各自偏
惟有此亭無一物
坐觀萬景得天全

溪光亭

決去湖波尙有情
却隨初日動簷楹
溪光自古無人畫
憑仗新詩與寫成

過溪亭

身輕步穩去忘歸
四柱亭前野杓微
忽悟過溪還一笑
水禽驚落翠毛衣

披錦亭